

Мемлекеттік мәдениет ұйымдары, мемлекеттік мұрағаттар, мемлекеттік тілдерді дамыту саласындағы ұйымдар және бұқаралық ақпарат құралдары қызметкерлерінің мамандығы бойынша жұмыс өтілін есептеу ережесін бекіту туралы

Күшін жойған

Қазақстан Республикасы Мәдениет және ақпарат министрінің 2012 жылғы 26 қарашадағы № 194 Бұйрығы. Қазақстан Республикасының Әділет министрлігінде 2012 жылы 26 желтоқсанда № 8238 тіркелді. Күші жойылды - Қазақстан Республикасы Мәдениет және спорт министрінің 2016 жылғы 22 желтоқсандағы № 342 бұйрығымен

Ескерту. Күші жойылды – ҚР Мәдениет және спорт министрінің 22.12.2016 № 342 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

"Азаматтық қызметшілерге, мемлекеттік бюджет қаражаты есебінен ұсталатын ұйымдардың қызметкерлеріне, қазыналық кәсіпорындардың қызметкерлеріне еңбекақы төлеу жүйесі туралы" Қазақстан Республикасы Үкіметінің 2007 жылғы 29 желтоқсандағы № 1400 қаулысының 4-тармағы 3) тармақшасын іске асыру мақсатында **БҰЙЫРАМЫН:**

1. Қоса беріліп отырған Мемлекеттік мәдениет ұйымдары, мемлекеттік мұрағаттар, мемлекеттік тілдерді дамыту саласындағы ұйымдар және бұқаралық ақпарат құралдары қызметкерлерінің мамандығы бойынша жұмыс өтілін есептеу ережесі бекітілсін.

2. Қазақстан Республикасы Мәдениет және ақпарат министрлігінің Заң департаменті осы бұйрықтың:

1) Қазақстан Республикасы Әділет министрлігінде мемлекеттік тіркелуін және ресми жариялануын;

2) Қазақстан Республикасы Мәдениет және ақпарат министрлігінің интернет-ресурсында орналастыруын қамтамасыз етсін.

3. Осы бұйрық ресми жарияланған күнінен бастап он күнтізбелік күн өткен соң қолданысқа енгізіледі.

Министр

Д. Мыңбай

Мемлекеттік мәдениет ұйымдары, мемлекеттік мұрағаттар, мемлекеттік тілдерді дамыту саласындағы ұйымдар және бұқаралық ақпарат құралдары қызметкерлерінің мамандығы бойынша жұмыс өтілін есептеу ережесі

1. Жалпы ережелер

1. Осы Мемлекеттік мәдениет ұйымдары, мемлекеттік мұрағаттар, мемлекеттік тілдерді дамыту саласындағы ұйымдар және бұқаралық ақпарат құралдары қызметкерлерінің мамандығы бойынша жұмыс өтілін есептеу ереже (бұдан әрі - Ереже) мемлекеттік мәдениет ұйымдары, мемлекеттік мұрағаттар, мемлекеттік тіл саласындағы ұйымдар және бұқаралық ақпарат құралдары қызметкерлерінің мамандығы бойынша жұмыс өтілін есептеу тәртібін реттейді.

2. Осы Ережеге сәйкес есептелетін мамандықтар бойынша жұмыс өтілі күнтізбелік санау бойынша есептеледі.

3. Күнтізбелік ай ішінде лауазымдық жалақысын көтеру құқығы туындаған кезінде жұмысшылардың лауазымдық жалақысын есептеу үшін осы құқығы туындаған күннен бастап жұмыс өтілі есепке алынады.

4. Мамандығын және ұқсас мамандығы бойынша жұмыс өтілі, мемлекеттік ұйымдар басшыларымен бекітілген еңбек өтілін белгілеу туралы комиссия құрамымен анықталады.

5. Қызметкердің мамандығы бойынша жұмыс өтілін белгілеуге арналған еңбек қызметін растайтын құжаттар еңбек заңнамасына сәйкес анықталады.

6. Мамандығы бойынша жұмыс өтілін белгілеу туралы комиссия шешімі хаттамамен ресімделеді және ұйымның кадр қызметінде сақталады.

2. Мемлекеттік мәдениет ұйымдары қызметкерлерінің мамандығы бойынша жұмыс өтілін есептеу тәртібі

7. Мамандығы бойынша жұмыс өтілі мемлекеттік мәдениет ұйымдарында және басқа да ұйымдастыру-құқықтық нысанына тәуелсіз ұйымдардағы жұмыс істеген барлық уақыты есептеледі, сонымен қатар:

1) сол мамандық бойынша мемлекеттік қызметте болған уақыты;

2) жағымсыз себептермен қызметтен шығарылған уақыттан басқа, мерзімді әскери қызмет атқаруы, сондай-ақ интернационалдық борышын орындауы, соның ішінде тұтқында болған әскери қызметшілер, офицерлік құрамдағы азаматтар, прапорщиктер, мичмандар, Қарулы Күштердегі әскери қызметшілердің мерзімінен тыс қызметі, ішкі, шекара әскеріндегі, басқару ұйымдарында және бұрынғы КСР Одағы мен Қазақстан Республикасының

азаматтық қорғаныс бөлімдеріндегі, Қазақстан Республикасы Ұлттық қауіпсіздік комитеті және КСРО Мемлекеттік қауіпсіздік комитеті ұйымдар жүйесіндегі, Қазақстан Республикасы Президентінің Күзет қызметіндегі және Қазақстан Республикасының Республикалық ұланындағы мерзімдері кіреді;

3) жүктілігі және босануы бойынша демалыстар, сондай-ақ еңбек заңнамасына сәйкес берілетін еңбекақысы сақталмайтын бала күтуі бойынша берілетін демалыс;

4) Қазақстан Республикасы Парламентінің, жергілікті өкілді органдардың депутаттары өкілеттерін жүзеге асыру;

5) егер жұмысшы шетелдегі жұмыстарға мамандығы бойынша мемлекеттік мәдениет ұйымдары мен жіберіліп, екі ай ішінде мемлекеттік мәдениет ұйымдарына жұмысқа тұрған болса, көшу уақытын есептемегенде, шетелдегі жұмысы кіреді;

6) қайта жұмысқа орналасу кезінде жұмыстан заңсыз шығарылуы салдарынан , еріксіз жұмыстан қалу уақыты;

7) даярлау, қайта даярлау және кадр біліктілігін арттыру жөніндегі курстарға мемлекеттік мұрағат жолдамасы бойынша жұмыстан босатылып, оқуға қатысқан уақыты;

8) ұйымдарда мамандығы бойынша ғылыми жұмыстары;

9) сала қызметіне (ұйымдастыру-құқықтық нысанына) тәуелсіз ұқсас мамандық бойынша еңбек қызметін атқарған лауазымдағы жұмыс уақыты;

10) 1992 жылдың 1 қаңтарына дейін Қазақ ССР-і мен Қазақстан Республикасының партия, кәсіподақ және комсомол ұйымында сайланбалы және өзге де жауапты лауазымдардағы жұмыс уақыты;

11) мәдениет ұйымдарындағы жұмыс бағытына сәйкес келетін білім және ғылым саласындағы лауазымдарда мамандықтары бойынша жұмыс уақыты кіреді.

3. Мемлекеттік мұрағаттар қызметкерлерінің мамандығы бойынша жұмыс өтілін есептеу тәртібі

8. Мамандығы бойынша жұмыс өтілі мемлекеттік, арнаулы, жеке және ведомстволық мұрағаттардағы жұмыс істеген барлық уақыты есептеледі, сонымен қатар:

1) мұрағаттану, археография, құжаттану саласындағы ұйымдардағы ғылыми жұмыстар;

2) әр түрлі жеткізгіштердегі мұрағат, мұражай, кітапхана және тарихи құжаттарды қалпына келтіру саласындағы ұйымдарда жұмыс істеген уақыты;

3) шағынфильмдеу, ақпараттық жүйелер, бағдарламамен қамтамасыз ету және фотоға түсіруде мұрағат пен кітапхана саласындағы ұйымдарда жұмыс істеген уақыты;

4) сол мамандық бойынша мемлекеттік қызметте болған уақыты;

5) жағымсыз себептермен қызметтен шығарылған уақыттан басқа, мерзімді әскери қызмет атқаруы, сондай-ақ интернационалдық борышын орындауы, соның ішінде тұтқында болған әскери қызметшілер, офицерлік құрамдағы азаматтар, прапорщиктер, мичмандар, Қарулы Күштердегі әскери қызметшілердің мерзімінен тыс қызметі, ішкі, шекара әскеріндегі, басқару ұйымдарында және бұрынғы КСР Одағы мен Қазақстан Республикасының азаматтық қорғаныс бөлімдеріндегі, Қазақстан Республикасы Ұлттық қауіпсіздік комитеті және КСРО Мемлекеттік қауіпсіздік комитеті ұйымдар жүйесіндегі, Қазақстан Республикасы Президентінің Күзет қызметіндегі және Қазақстан Республикасының Республикалық ұланындағы мерзімдері кіреді;

6) жүктілігі және босануы бойынша демалыстар, сондай-ақ еңбек заңнамасына сәйкес берілетін еңбекақысы сақталмайтын бала күтуі бойынша берілетін демалыс;

7) Қазақстан Республикасы Парламентінің, жергілікті өкілді органдардың депутаттары өкілеттерін жүзеге асыру;

8) қайта жұмысқа орналасу кезінде жұмыстан заңсыз шығарылуы салдарынан , еріксіз жұмыстан қалу уақыты;

9) даярлау, қайта даярлау және кадр біліктілігін арттыру жөніндегі курстарғы мемлекеттік мұрағат жолдамасы бойынша жұмыстан босатылып, оқуға қатысқан уақыты;

10) сала қызметіне (ұйымдастыру-құқықтық нысанына) тәуелсіз ұқсас мамандық бойынша еңбек қызметін атқарған лауазымдағы жұмыс уақыты;

10-1) мұрағат ісі бағытындағы жұмысқа сәйкес келетін білім беру саласындағы педагогикалық мамандықтар бойынша жұмыс уақыты;

11) 1992 жылдың 1 қаңтарына дейін Қазақ ССР-і мен Қазақстан Республикасының партия, кәсіподақ және комсомол ұйымында сайланбалы және өзге де жауапты лауазымдардағы жұмыс уақыты.

Ескерту. 8-тармаққа өзгерістер енгізілді - ҚР Мәдениет және ақпарат министрінің 15.03.2013 № 55 Бұйрығымен (ресми жарияланған күнінен бастап он күнтізбелік күн өткен соң қолданысқа енгізіледі).

4. Мемлекеттік тілдерді дамыту саласындағы ұйымдар қызметкерлерінің мамандығы бойынша жұмыс өтілін есептеу тәртібі

9. Мамандығы бойынша жұмыс өтілі тілдерді дамыту саласындағы ұйымдарда, білім ұйымдарындағы педагогикалық жұмыс істеген барлық уақыты есептеледі, сонымен қатар:

1) сол мамандық бойынша мемлекеттік қызметте болған уақыты;

2) жағымсыз себептермен қызметтен шығарылған уақыттан басқа, мерзімді әскери қызмет атқаруы, сондай-ақ интернационалдық борышын орындауы, соның ішінде тұтқында болған әскери қызметшілер, офицерлік құрамдағы азаматтар, прапорщиктер, мичмандар, Қарулы Күштердегі әскери қызметшілердің мерзімінен тыс қызметі, ішкі, шекара әскеріндегі, басқару ұйымдарында және бұрынғы КСР Одағы мен Қазақстан Республикасының азаматтық қорғаныс бөлімдеріндегі, Қазақстан Республикасы Ұлттық қауіпсіздік комитеті және КСРО Мемлекеттік қауіпсіздік комитеті ұйымдар жүйесіндегі, Қазақстан Республикасы Президентінің Күзет қызметіндегі және Қазақстан Республикасының Республикалық ұланындағы мерзімдері кіреді;

3) жүктілігі және босануы бойынша демалыстар, сондай-ақ еңбек заңнамасына сәйкес берілетін еңбекақысы сақталмайтын бала күтуі бойынша берілетін демалыс;

4) Қазақстан Республикасы Парламентінің, жергілікті өкілді органдарда депутаттары өкілеттерін жүзеге асыру;

5) қайта жұмысқа орналасу кезінде жұмыстан заңсыз шығарылуы салдарынан , еріксіз жұмыстан қалу уақыты;

6) даярлау, қайта даярлау және кадр біліктілігін арттыру жөніндегі курстардан тілдерді дамыту саласындағы ұйымдар мен білім ұйымдарының жолдамасы бойынша жұмыстан босатылып, оқуға қатысқан уақыты;

7) ғылыми жұмыстар мамандықтың бағыттары бойынша ұйымдарда;

8) сала қызметіне (ұйымдастыру-құқықтық нысанына) тәуелсіз ұқсас мамандық бойынша еңбек қызметін атқарған лауазымдағы жұмыс уақыты;

9) 1992 жылдың 1 қаңтарына дейін Қазақ ССР-і мен Қазақстан Республикасының партия, кәсіподақ және комсомол ұйымында сайланбалы және өзге де жауапты лауазымдардағы жұмыс уақыты.

5. Мемлекеттік бұқаралық ақпарат құралдары ұйымдары қызметкерлерінің мамандығы бойынша жұмыс өтілін есептеу тәртібі

10. Бұқаралық ақпарат құралдары ұйымдарының мамандығы бойынша қызметкерлерінің жұмыс стажына бұқаралық ақпарат құралдары редакцияларында, теле-, радиоарналарда, білім ұйымдарындағы журналистика мамандығы бойынша педагогикалық жұмыс уақыты кіреді, сонымен қатар:

1) режиссерлық қойылымында және теле-, радиоарналардың студияларындағы басқа да көмекші қызметкерлер құрамында, кинематография ұйымдарында, кинофикация және кинопрокат қызметкерлер құрамында жұмыс уақыты;

2) сол мамандық бойынша мемлекеттік қызметте болған уақыты;

3) жағымсыз себептермен қызметтен шығарылған уақыттан басқа, мерзімді әскери қызмет атқаруы, сондай-ақ интернационалдық борышын орындауы, соның ішінде тұтқында болған әскери қызметшілер, офицерлік құрамдағы азаматтар, прапорщиктер, мичмандар, Қарулы Күштердегі әскери қызметшілердің мерзімінен тыс қызметі, ішкі, шекара әскеріндегі, басқару ұйымдарында және бұрынғы КСР Одағы мен Қазақстан Республикасының азаматтық қорғаныс бөлімдеріндегі, Қазақстан Республикасы Ұлттық қауіпсіздік комитеті және КСРО Мемлекеттік қауіпсіздік комитеті ұйымдар жүйесіндегі, Қазақстан Республикасы Президентінің Күзет қызметіндегі және Қазақстан Республикасының Республикалық ұланындағы мерзімдері кіреді;

4) жүктілігі және босануы бойынша демалыстар, сондай-ақ еңбек заңнамасына сәйкес берілетін еңбекақысы сақталмайтын бала күтуі бойынша берілетін демалыс;

5) Қазақстан Республикасы Парламентінің, жергілікті өкілді органдардың депутаттары өкілеттерін жүзеге асыру;

6) қайта жұмысқа орналасу кезінде жұмыстан заңсыз шығарылуы салдарынан , еріксіз жұмыстан қалу уақыты;

7) даярлау, қайта даярлау және кадр біліктілігін арттыру жөніндегі курстарғы бұқаралық ақпарат құралдары ұйымдарының жолдамасы бойынша жұмыстан босатылып, оқуға қатысқан уақыты;

8) сала қызметіне (ұйымдастыру-құқықтық нысанына) тәуелсіз ұқсас мамандық бойынша еңбек қызметін атқарған лауазымдағы жұмыс уақыты;

9) ақпараттық технологиялар саласындағы жұмыс уақыты кіреді.